



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-852/20  
Vogošća, 23.06.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 23.06.2020. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA ČIŠĆENJU KORITA  
RIJEKE VOGOŠĆE, NA DIONICI OD RESTORANA OAZA DO UŠĆA U RIJEKU BOSNU U DUŽINI OD  
CCA 3 km**

**Član 1.**

Ponuda ponuđača "Harysco" d.o.o. Sarajevo, ulica Bihaćka broj 1. Sarajevo, odabrana je za izvođenje radova na čišćenju korita rijeke Vogošće, na dionici od restorana Oaza do ušća u rijeku Bosnu u dužini od cca 3 km, kao prvoplasirana na Rang listi, sa ponuđenom ukupnom cijenom nabavke u iznosu od 69.500,00 KM bez uračunatog PDV-a, odnosno 81.315,00 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 29.05.2020. godine donio Odluku o pokretanju Otvorenog postupka nabavke radova na čišćenju korita rijeke Vogošće, na dionici od restorana Oaza do ušća u rijeku Bosnu u dužini od cca 3 km, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.05.2020. godine pod brojem: 1353-1-3-94-3-79/20.

Sažetak Obavještenja o nabavci objavljen je u "Službenom glasniku BiH" broj: 31/20 od 05.06.2020. godine.

Tendersku dokumentaciju sa Portala javnih nabavki BiH je preuzelo 29 (dvadeset i devet) ponuđača.

Krajnji rok za dostavu ponuda bio je 17.06.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 17.06.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-852/20 iz maja 2020. godine i Izmjeni TD broj: 07-11-852/20 iz juna 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 9 (devet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Gradnja 1" d.o.o. Tešanj	141.999,19	/	/	166.139,05
2	"Harysco" d.o.o. Sarajevo	141.872,72	/	/	165.991,08
3	"Termo-beton" d.o.o. Breza	141.078,67	/	/	165.062,05
4	"Špic beton" d.o.o. Zenica	141.874,38	/	/	165.993,02
5	"Bucomerc" d.o.o. Kiseljak i "T.W.I." d.o.o. Kiseljak	141.967,85	/	/	166.102,38
6	"Den Alm company" d.o.o Lukavac	141.533,01	/	/	165.593,62
7	"MGBH" d.o.o. Sarajevo	131.573,53	/	/	153.941,03
8	"Ame" d.o.o. Breza	141.598,23	/	/	165.669,99
9	"Almy" d.o.o. Zenica i "Almy-gradnja" d.o.o. Zenica	197.051,32	/	/	230.550,04

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Den Alm company" d.o.o. Lukavac ne ispunjava formalno-pravne uslove tražene Tenderskom dokumentacijom i to:

Dana 29.05.2020. godine Općina Vogošća kao ugovorni organ je na Portalu javnih nabavki BiH uz Obavještenje o nabavci broj: 1353-1-3-94-3-79/20 objavio i TD broj: 07-11-852/20 iz maja 2020. godine. U objavljenoj TD je na osnovu pitanja ponuđača postavljenog na Portalu javnih nabavki BiH dana 04.06.2020. godine, a usljed tehničkog propusta naknadno uočena greška u Obrascu za cijenu ponude-predmjeru i predračunu radova, te je stoga ugovorni organ dana 09.06.2020. godine izvršio izmjenu TD (dostavljen je izmjenjeni obrazac za cijenu ponude-Aneks 2 sa ispravljenom greškom) i isti učinjen dostupnim ponuđačima za preuzimanje sa Portala javnih nabavki BiH.

Ponuđač "Den Alm company" d.o.o. Lukavac je u svojoj Ponudi (strana 3-5. Ponude) dostavio uredno popunjen obrazac za cijenu ponude koji je objavljen dana 29.05.2020. godine.

Iz Izvještaja o preuzimanju TD od strane ponuđača koji je generisan sa Portala javnih nabavki je jasno vidljivo da je ponuđač "Den Alm company" d.o.o. Lukavac preuzeo samo TD objavljenu dana 29.05.2020. godine dok je Izmjenu TD sa korigovanim Obrascem za cijenu ponude objavljenu dana 09.06.2020. godine propustio da preuzme. Na osnovu propusta ponuđača da dostavi korigovani obrazac za cijenu ponude koji je svima bio javno dostupan i obavezujući, a kako bi predmetna ponuda bila ispravna i prihvatljiva, Komisija za javne nabavke cijeni da je ponuda ponuđača "Den Alm

company" d.o.o. Lukavac formalno-pravno neispravna i kao takva nije prihvatljiva za ugovorni organ.

II. Ponuda grupe ponuđača "Almy" d.o.o. Zenica i "Almy-gradnja" d.o.o. Zenica ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD, a u skladu sa članom 51. Zakona zahtjevano je od ponuđača da su kao izvođači radova realizovali minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 71.000,00 KM bez uračunatog PDV-a.

Tačkom 7.4.2. pod a) TD su kao dokaz zahtjevani spisak izvršenih ugovora u ukupnom iznosu od 71.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika (u iznosu od 71.000,00 KM bez uračunatog PDV-a), a sve u skladu sa članom 48. stav 2. Zakona.

Pod sličnim poslovima se podrazumjeva uređenje riječnih korita-čišćenje i regulacija korita rijeke. Izgradnja mosta ne spada u ovu vrstu poslova (Odgovor na postavljeno pitanje na Portalu javnih nabavki BiH na postavljeno pitanje ponuđača dana 01.06.2020. godine).

Grupa ponuđača "Almy" d.o.o. Zenica i "Almy-gradnja" d.o.o. Zenica je u svojoj ponudi (strana 65. Ponude) dostavila Potvrdu i preporuku za dobro izvršenje posla, izdatu od strane pravnog lica "Hifa-oil" d.o.o. Tešanj.

Komisija za javne nabavke smatra da dostavljena Potvrda ne zadovoljava uslove postavljene u TD, jer radovi koji su navedeni u Potvrdi broj: 08/11/18-1 od 08.11.2018. godine se odnose na građevinske, zanatske i instalerske radove na izgradnji Upravne zgrade i vanjskog uređenja (izgradnja zida i asfaltiranje) oko terminala tečnih goriva na adresi Željeznička bb Zenica.

Ugovorni organ je dana 01.06.2020. godine na Portalu javnih nabavki BiH na postavljeno pitanje "koju vrstu poslova podrazumijevate u skladu sa propisanim uslovom iz tačke 7.4.1. pod a) TD" jasno odgovorio da "pod sličnim poslovima podrazumjevamo uređenje riječnih korita-čišćenje i regulacija korita rijeke".

Grupa ponuđača "Almy" d.o.o. Zenica i "Almy-gradnja" d.o.o. Zenica je u svojoj ponudi (strana 66. Ponude) dostavila Potvrdu o dobro izvršenim radovima, izdatu od strane Fonda Kantona Sarajevo za izgradnju stanova.

Komisija za javne nabavke smatra da dostavljena Potvrda ne zadovoljava uslove postavljene u TD, jer radovi koji su navedeni u Potvrdi broj: 01-01-23-457/2020 od 12.05.2020. godine se odnose na radove na vanjskom uređenju oko objekta K-34 do K-37 sa potrebnom infrastrukturom na lokalitetu Šip-Sarajevo.

Ugovorni organ je dana 01.06.2020. godine na Portalu javnih nabavki BiH na postavljeno pitanje "koju vrstu poslova podrazumijevate u skladu sa propisanim uslovom iz tačke 7.4.1. pod a) TD" jasno odgovorio da "pod sličnim poslovima podrazumjevamo uređenje riječnih korita-čišćenje i regulacija korita rijeke".

Grupa ponuđača "Almy" d.o.o. Zenica i "Almy-gradnja" d.o.o. Zenica je na strani 67. svoje Ponude dostavila Potvrdu o uredno izvršenom ugovoru broj: 11-45-8566/20 od 08.05.2020. godine izdatu od strane Grada Zenice/Službe kabineta Gradonačelnika, iz koje je vidljivo da je ponuđač uredno realizovao ugovor u domenu izvođenja radova na čišćenju riječnog korita rijeke Kočeve i uklanjanju nagomilanog šljunka u iznosu od 21.094,40 KM bez uračunatog PDV-a.

Na osnovu prethodno iznesenog, Komisija za javne nabavke smatra da grupa ponuđača "Almy" d.o.o. Zenica i "Almy-gradnja" d.o.o. Zenica ne zadovoljava postavljeni uslov o realizaciji minimalno jedanog ugovora čiji je karakter i kompleksnost isti ili sličan onom

koji se odnosi na predmetnu nabavku iznosu od 71.000,00 KM bez uračunatog PDV-a, a sve u skladu sa članom 51. Zakona.

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme.

Tačkom 7.4.2. pod b) TD je pored ostalih zahtjeva traženo da se kao dokazi za 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme dostavi Diploma/Svjedočanstvo o završenoj traženoj stručnoj spremi i dokaz o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Grupa ponuđača "Almy" d.o.o. Zenica i "Almy-gradnja" d.o.o. Zenica je u svojoj Ponudi (strana 95. Ponude) kao dokaz za traženo dostavila Potvrdu od 15.06.2020. godine, kojom se dokazuje da je Odobašić Nezir, u stalnom radnom odnosu u privrednom društvu "Almy-gradnja" d.o.o. Zenica, raspoređen na poslovima poslovođe od 01.02.2007. godine.

Grupa ponuđača "Almy" d.o.o. Zenica i "Almy-gradnja" d.o.o. Zenica je propustila da dostavi Diplomu/Svjedočanstvo o završenoj traženoj stručnoj spremi jasno zahtjevanu tačkom 7.4.2. pod b) TD.

- Tačkom 7.4.2. pod c) TD je propisano da su ponuđači u svrhu ispunjavanja zahtjeva iz tačke 7.4.1 pod c) TD dužni dostaviti između ostalog i Izjavu na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c) TD.

Grupa ponuđača "Almy" d.o.o. Zenica i "Almy-gradnja" d.o.o. Zenica je u svojoj Ponudi propustila je da dostavi zahtjevanu Izjavu na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c) TD.

- Tačkom 9.9.1.TD je propisano da će ugovorni organ dostaviti na potpis izabranom ponuđaču prijedlog Okvirnog sporazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 7. tenderske dokumentacije ("nacrt"). Ponuđač treba potpisati prijedlog Okvirnog sporazuma i popuniti sve dijelove koji su ostavljeni prazni (nacrt okvirnog sporazuma mora biti uredno popunjen, potpisan i ovjeren pečatom ponuđača. Također tačkom 8.2.1. pod 11. TD je propisano da nacrt Okvirnog sporazuma-Aneks 7 treba biti popunjen, potpisan i ovjeren pečatom ponuđača.

Grupa ponuđača "Almy" d.o.o. Zenica i "Almy-gradnja" d.o.o. Zenica je u svojoj ponudi (strana 28. Ponude) propustila da popuni dijelove koji su ostavljeni prazni u nacrtu Okvirnog sporazuma-član 4. nacrta, te je na taj način postupila suprotno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Gradnja 1" d.o.o. Tešanj,
- "Harysco" d.o.o. Sarajevo,
- "Termo-beton" d.o.o. Breza,
- "Špic beton" d.o.o. Zenica,
- "Bucomerc" d.o.o. Kiseljak i "T.W.I" d.o.o. Kiseljak (Grupa ponuđača),
- "MGBH" d.o.o. Sarajevo i
- "Ame" d.o.o. Breza i

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela ponuda ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda, nakon čega je utvrđeno da postoji računska grešaka u Ponudi ponuđača "Gradnja 1" d.o.o. Tešanj.

Komisija za javne nabavke postupajući u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računске greške, te je aktom broj: 07-11-852/20 od 19.06.2020. godine dostavila na davanje saglasnosti ponuđaču "Gradnja 1" d.o.o. Tešanj.

Ponuđač "Gradnja 1" d.o.o. Tešanj je svojim aktom broj: 01/20 od 19.06.2020. godine dao saglasnost na ispravku računске greške, tako da umjesto ukupne ponuđene cijene u iznosu od 141.999,19 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 141.589,25 KM bez uračunatog PDV-a.

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16) i Odlukom o izmjenama i dopunama odluke o obaveznoj primjeni preferencijalnog tretmana domaćeg ("Službeni glasnik BiH" broj: 54/19).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2020. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 22.06.2020. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 22.06.2020. godine, Komisija za javne nabavke je sačinila sljedeću Rang listu u Otvorenom postupku nabavke radova na čišćenju korita rijeke Vogošće, na dionici od restorana Oaza do ušća u rijeku Bosnu u dužini od cca 3 km kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Harysco" d.o.o. Sarajevo	69.500,00	81.315,00
2	"Gradnja 1" d.o.o. Tešanj	70.000,00	81.900,00
3	"Ame" d.o.o. Breza	71.711,65	83.902,63
4	"Bucomerc" d.o.o. Kiseljak i "T.W.I" d.o.o. Kiseljak	84.868,43	99.296,06
5	"MGBH" d.o.o. Sarajevo	131.573,53	153.941,03
6	"Termo-beton" d.o.o. Breza	141.078,67	165.062,05
7	"Špic beton" d.o.o. Zenica	141.874,38	165.993,02

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Harysco" d.o.o. Sarajevo, za izvođenje radova na čišćenju korita rijeke Vogošće, na dionici od restorana Oaza do ušća u rijeku Bosnu u dužini od cca 3 km, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 69.500,00 KM bez uračunatog PDV-a, odnosno 81.315,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

*Mirza Čutura*

Kontrolisala: Melisa Kršo

*Melisa Kršo*

Dostavljeno:

1. "Gradnja 1" d.o.o. Tešanj
2. "Harysco" d.o.o. Sarajevo
3. "Termo-beton" d.o.o. Breza
4. "Špic beton" d.o.o. Zenica
5. "Bucomerc" d.o.o. Kiseljak
6. "Den Alm company" d.o.o. Lukavac
7. "MGBH" d.o.o. Sarajevo
8. "Ame" d.o.o. Breza
9. "Almy-gradnja" d.o.o. Zenica
10. Nadležnoj Službi
11. U dosije
12. a/a

- 032/866-910
- 033/590-852
- 032/789-051
- 032/456-147
- 030/876-248
- 035/550-322
- 033/763-110
- 032/783-936
- 032/456-350



OPĆINSKI NAČELNIK

*Edin Smajić*  
Edin Smajić